



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

Caput Quintum. De variis Praxibus ac modis septies per diem Venerabile
Sacramentum invisendi.

Nutzungsbedingungen

[urn:nbn:de:hbz:466:1-54780](#)

CAPUT QUINTUM.

De variis Praxibus ac modis septies per diem Venerabile Sacramentum invisendi.

P R A E F A T I O.

OQuam benè dixit æterna sapientia Dei Filius Prov. 8. *Delicia mea esse cum filiis hominum.* Quale solatium Christus ex hoc mundo discessurus suis Discipulis nobisque omnibus dedit dicendo Joan. 14. *Non relinquam vos orphanos.* Et Matth. 28. *Ero vobiscum usque ad consummationem saeculi.* Scilicet non tantum in figura, repræsentatione, aut etiam donorum Spiritus S. & multiplicis gratiæ participatione. Sed &c, prout in cælis sedebo ad dextram Patris, ità idem ego realiter ac substantialiter præsens vobis cum humanitate ac divinitate adero in Eucharistia usque ad finem mundi. Quid sentis de tanto excessu amoris ô anima mea? an nondum ardes continuo desiderio invisendi in V. Sacramento Salvatorem tuum ità te amantem? si esset locus in mundo, ubi non teatus fragilibus panis speciebus, sed ità visibiliter se Christus sisteret, ut olim in mundo conversatus est. An ulli labori, itineri, expensis parceres? ut ad locum illum devenires. Jam opus non est in longinquò illum quærere. In quolibet templo, sacello, ubi sanctissimum asservatur, præsens est cinctus coronâ Angelorum

Dominum suum adorantium. Ibi eum re ipsā
invisere, cum eo conversari, cum cum Ange-
lis adorare potes. Ipse expectat te, paratus est
ad te recipiendum, audiendum, variisque gra-
tiis ac beneficiis cumulandum. Evidem ocu-
lo corporeo non videbis eum, sed multò firmi-
ore fidei fallere ac falli nescio, sicut oculus cor-
poreus fallit & fallitur. Oculus fidei etiam ma-
jore te merito beat juxta illud Christi: *Quia vi-
disti me Thoma, credidisti. Beati qui non vide-
runt, & crediderunt.* Et quomodo possibile est?
quod Christianus de ejus præsentia non dubitans,
ita illuminatus ac instrutus, multò magis Cle-
ricus, Religiosus, Sacerdos non majorem impul-
sum sentiat ad Deum suūmī Eucharistia crebriūs
invisendum. Imò quomodo possibile est? quod
ei assistat sine ullo pietatis sensu, plenus te-
pore, inutilibus aliis distractus curis ac cogita-
tionibus. Ne dicam peccati maculā nondum
dolore vero expiatā contaminatus. Et quomo-
do iterum possibile est? ut, cùm tam multum
temporis impendat in visitationibus aliorum
per urbem, ubi conscientia sèpè lèditur, in vi-
sitando Deo Eucharistico per diem tam parcus
sit, aut visitationem istam statim abrumpat.
Unde nec de die nec de nocte nisi planè invitus
avelli deberet, & mille consolationibus unge-
retur. Ubi paratus est Christus ad curandos
animæ morbos, sicut olim in mundo hoc con-
versatus corporum medebatur languoribus.
Quid est vita nostra nisi perpetua amaritudo, &
lucta non tantum cum carne & sanguine, sed &
Prin-

Principibus ac potestatibus tenebrarum ? si ergo tentaris , hic quære auxilium. Si amaritudine repletur anima tua , hic quære solarium. Si dubio perplexitate angeris , negotio arduo obrueris , hic quære consilium , & oraculum consulta Eucharisticum. David nil desideravit ardenter adeo , quam ut præsens esset in Dei sanctuario. Daniel cum à templo Jerosolymitano in Babylone abesset longius , tribus de die vicibus apertis fenestris versus illud poplite flexo Deum adorabat , ut aliquod ex imaginatione templi caperet solarium. Primi Christiani conati sunt semper apud se habere Eucharistiam in domibus vel etiam speluncis , in quibus ob persecutionem latebant. Plurimi Sancti à divinissimo hoc Sacramento erant quasi inseparabiles. Viguit & illa olim in variis religiosis ordinibus consuetudo , ut successione & alternatione perpetuâ aliqui se semper prosternerent ante Deum Eucharisticum. Ne , ubi adorant eum cælestes genii , decessent homines. Ex quorum purè amore hoc Sacramentum institutum est , & in ultima Cœna velut testamentum à Christo relictum. Superi ! quod jam frigus apud Catholicos ? quæ solitudo in templis ubi curia est summi Regis ? jure indignaretur tenens Princeps , si aula à Ministris ac aulicis suis non frequentaretur. Sed illi id sanè non negligunt , turmatim latus Principis stipant , unus alium in curvando genua , quævis deferendo obsequia prævenire gestit. Et Rex Regum D. N. J. C. in tabernaculo Deus & homo negliguntur.

tur. Qui ideo ibidem verè præsens est, ut jam dixi, ut gratias ac beneficia hominibus adeo suo auxilio indigentibus dispertiat. Et cùm semper dilexisset eos, ideo pro iis incarnatus, natus, passus, mortuus, verè in finem dilexit eos, hoc augustissimum instituendo Sacramen-

tum.

Et hæc ratio est. Quare sub primum in Societatem JESU ingressum cuilibet nostrorum inculcetur. Ut *juxta illud Davidis septies de die laudem dixi Domino per diem quemlibet totâ vitâ suâ septies devotissimo adorationis cultu veneretur latente in templo aut sacello domestico sub speciebus panis Salvatorem. Cùm autem septemplices illa Chori visitatio fructuosior esse non possit, quam si vitam, passionem ac mortem Christi, ipsiusque divinissimi Sacramenti institutionem velut Sacrificii incruenti in Crucem praæcti memoriale devotâ jugiter mente recolamus, dein virtutes vocationi & instituto nostro conformes expetamus, in iisque nos impigrè exerceamus. Hinc praxes sequentes septenis per diem vicibus Sanctissimum visitandi cōferiam collimabunt. Poterunt plurima servire aliis, dempris vel additis addendis aut demendis. Ego lanam offero, tu telam contexe. Pileum præsento, tu in angustiore vel laxiore forma, prout congruere judicaveris, capiti tuo accommoda.*

P R Á X I S P R Í M A.

Vita Christi recolitur; & virtutes vocationi Apostolice maximè congrua in septemplici Visitatione SS. Sacramentum petuntur.

Prima Visitatio.

A Doro te mi Deus pro me incarnate, nate, & circumcise, & per sanctam Incarnationem tuam ex voluntate aeterni Patris factam peto vetam erga te obedientiam. Per Nativitatem, virtutem genuitae paupertatis. Per Circumcisio- nem generosam affectuum & passionum mearum circumcisioni meique victoriam. Pater noster, &c.

Secunda Visitatio.

A Doro te mi JESU pro me oblate in templo, ab persecutionem Herodis in Agyptum fugiens, & inde in Iudeam rediens. Offero me quoque tibi totum, & peto veram resignationem in sanctam voluntatem tuam ac Superiorum, & genuinam quoad locum, officium in differentiam. Pater noster.

Tertia Visitatio.

A Doro te mi JESU duodenem in templo, (quod domum Patris tui esse dicebas) Scripturas Doctoribus legis explicantem. Et peto veram devotionem erga Deum ac celites, donum orationis, profectum in S. Scripturæ intel-

intelligentiā constantemque erga spiritualia affectum. Adoro te ab anno duodecimo usque ad trigesimum vitam privatam agentem, parentibus subditum, vilibus ac quotidianis domi operibus occupatum. Petoque perfectam erga Superiores meos obedientiam, humilitatem, alacritatem, vi cuius victu, vestitu, communivitā, occupatione in vilibus etiam ministériis contentus vivam, & opera mea quotidiana domi perfectè peragam. Pater noster.

Quarta Visitatio.

Adoro te mi JESU vitam per triennium agentem Apostolicam, in omni castitate, sobrietate prædicantem regnum Dei omnibus, sanis, ægris, Judæis, gentilibus, summis, imis, amicis, inimicis quoad corpus & animam benefacientem, erga omnes affabilem, mansuetum, innumera denique omniaque ardua pro Patris tui gloria saluteque animarum agentem & patientem. Et peto verum Spiritum Apostolicum, Angelicam castitatem in conversatione cum periculis sæpè hominibus, sobrietatem, mansuetudinem, zelum divinæ tuæ gloriæ & salutis animarum instituto ac vocationi meæ conformem. Hoc est, ut cum gaudio & indefessè catechizem, prædicem verbum Dei, inveteratos peccatores, Gentiles, Hæreticos convertam, arguam, obsecrem in omni patientia & doctrina, omnibus cuiuscunque demum ætatis sexus conditionis debitorem me re ipsâ exhibeam, manifesta beneficiis rependam, & nil quæram nisi purè

pure majorem Dei gloriam, mei proximique salutem ac perfectionem, in quo essentia professionis ac vocationis meæ consistit. Pater noster.

Quinta Visitatio.

Adoro te mi JESU pro me passæ, crucifice, & Cruce depositæ & sepultæ. Petoque compassionem teneram ac devotionem erga passionem ac mortem tuam, mortem ac sepulturam perpetuam omnium vitiorum, carnis meique ipsius crucifixionem, gentinam mortificationem in- & externam, meique ipsius victoriam, ut jam non vivam ego, sed tu vivas in me. Pater noster.

Sexta Visitatio.

Adoro te mi JESU gloriose è sepulchro resurgentem, cum amantissima Matre tua Apostolis Discipulis per 40. dies conversantem, & demum coram illis in calos ascendentem. Petoque celerem post quemvis lapsum, in quem etiam justus cadit, resurrectionem, vividum mentis ardorem, vi cuius proficiam in virtutibus, in via illuminativa & unitiva. Caveam, ne ex conversatione aliqua sensuali adhærescat labes. Animoque semper habitem ibi, quo tu ascendisti, & levem me continuò super me, ascensiones in corde meo faciam, & sic conversatio mea in cælis sit. Pater noster.

Septima Visitatio.

Adoro te mi JESU in cælis regnante, & in fine mundi totum humanum genus iudica-

dicaturum. Et peto constantiam in tua gratia, felicem mortem, præservationem ab omnibus occasionibus, in quibus me prævidisti sive in vita sive in morte fore infelicem. Ut lætus in die illa tremenda tibi occurrere possim. Hac spe fatus me quieti dabo, & evigilanti mane altero & subsequentibus vitæ meæ diebus jugiter insonabit tuba illa: *Surgite mortui, venite ad judicium.* Pater noster.

P R A X I S S E C U N D A.

*Devotio septplex erga Christum pro nobis passum
& mortuum ex SS. PP. desumpta in ordine
ad varios bonos affectus:*

Prima Visitatio.

Mors & Passio Christi dolorem de peccatis ingerunt.

Adoro te Domine JESU pro me passæ ac mortue. Video, quod vulneratus sis propter iniquitates nostras. Is. 53. Mea hypocrisis proditorio te osculo hostibus tradidit, libido flagellis concidit, & toto corpore cruentavit. Ira, imprecations, lixorumque meus benedictam faciem tuam, in quam Angeli prospicere desiderant, colaphis, sputis, illusionibus onerarunt. Luxus clamyde coccineâ, veste illusoriâ, & spinâ coronâ te circumdedit. Inobedientia infame & grave Crucis pondus humeris tuis impoluit. Intemperantia fel cum aceto tibi in at- den.

dentissima siti dedit. Superbia te Barabbæ postposuit, & inter duos latrones medium è Cruce suspendit. Hæ manus, hi pedes, hoc insensatum caput, hæc lingua, hi oculi, hæc omni sensualitati, comoditatì, obscenitati indulgens caro, hoc putidum corpus peccatorum meorum instrumenta, in causa sunt, quòd à vertice capitis usque ad plantam pedis non fuerit in te sanitas. Imò hæc maledicta peccata mea nec mortuo pepererunt, dum lanceâ sacram latus tuum, ex quo residuus humor & sanguis pro me effluxit, crudeliter perforarunt. Quot vulnera tot voces, quæ pœnitentiam inclamant, & ad intensissimum de peccatis meis dolorem impellunt. Conjicio me in abyssum amoris tui erga me infiniti, qui te pro me in pœnis tantis ac cruciatibus coram divina justitia substituit. Ingerisco, lacrymarum rivos effundo, peccata mea detestor ac defleo, ad satisfactionem, quam possum, maximam paratum me sisto. Et sicut tu amasti me, sic amo & amabo te deinceps ei pleno contritus corde.

*Secunda Visitatio.**Sunt munimen contra peccata futura.*

O Domine JESU tanta est virtus sanctæ passionis ac mortis tuæ, ut ad eorum memoriā totus peccatorum fugetur exercitus. Tantum est virium pia eorundem recordatio. Ut, quemadmodum à luce tenebræ, à vita mors, ita ab ea repellatur nova ad peccandum tentatio. Clavi, qui manus pedesque tuos sacros transfixerunt,

fixerunt, perpetuis Diabolum fixere vulneribus. Sic Crux tua nobis est protectio ab hostiis, in cruce vita, in cruce salus & victoria. Quando igitur mundus, caro vel Diabolus novas mihi parabit insidias, passio ac mors tua Domine subito occurrens animo horrorem & odium immortale erga omnem tui me ita amantis offendam ingeret, & sacra vulnera tua tutum mihi praebebunt in molesta etiam tentatione refugium. Ut omnis iniquitas a me confusa recedat, & ardor libidinis movens membra mea memoriam livoris & plagarum tuarum extingatur. Ideo te hic adoro mi JESU, & gratiam ardenter hanc efflagito, ut memoriam passionis ac mortis tuae munitus nulli usque ad mortem temptationi succumbam.

Tertia Visitatio.

Sunt solamen in adversis.

O Domine JESU ex sacris tuis vulneribus, ex amara passione ac morte tua propinatur mihi potus salutaris amaritudinis, & ex his rursus suavis unctio consolationis. Hæc me erigunt in adversis, in prosperis depriment, & inter læta tristiaque vitæ præsentis viâ regiâ incidenti tutum præbent utrobique ducatum. Inde tolerantia crudelissimi cujuscunque Martyrii heroica provenit. Quod in tuis vulneribus tota devotione versetur, & jugi conversatione demoretur fidelis Christi Martyr. Neque enim ob id patiens redditur insensibilis. Submititur enim sensus sacræ passioni, non amittitur. Nec deest

deest dolor, sed superatur, contemnitur, & non facit hoc stupor sed amor. O felix transitus à doloribus & vulneribus corporis proprii ad vulnera corporis Christi. Tu mi JESU mortuus pro me es in Cruce, ut mea lenires vulnera, crucem meam ego portarem post te, & in cruce, tribulatione, dolore mori affectem in & pro te. Adoro te hic in sanctissimo Sacramento, & peto gratiam, ut in omni desolatione, morbo, contradictione, probris, doloribus, angustiis, tormentis, morte ipsâ effigacissimum in te Deo amore mei crucifixo inveniam remedium, singulare refugium ac solatium. Da gratiam, ut quoties ob hæc illa animi commotionem ad iram impatientiam sentio, à ruminanda sacra passione ac morte tuâ mentem nunquam deflectam. Sic per ruminatem illam & vivacem impressionem detumescet & subsidet omnis animi æstus & tumor. Uno verbo da gratiam, ut sanus & æger, latus & tristis, in prosperis & adversis in sacro latere tuo habitem, nec alibi inveniar.

Quarta Visitatio.

Incuriunt salutarem metum,

Domine JESU salutaris ille metus est, qui à peccato omni que ad id committendum periculo vel occasione arcet. Tu ex hoc quod pro me passus ac mortuus sis, perpetuamque ejus in S. Eucharistia memoriam mihi refricare dignatus sis, amorem erga indignissimum & ingratissimum homuncionem ostendis infinitum.

tum. Sed qualis erit amor tuus versus in furorem? si deinceps tot mihi datis gratiis desim, tamque infinites multiplici amore obrutus te offendere non desinam, sicque te ex potentissimo apud Patrem æternum Advocato in Judicem accipiam irreconciliabilem. In sacra aliquando hostia visus es tres assumptissime personas. *Primo.* Blandi & amabilis pueruli ut natus fueras in Bethelem. *2do.* Crucifixi totoque corpore vulnerati, ut in monte Calvariae pependisti in Cruce. *3tiò.* Terribilis in throno considentis Judicis. Jam nil magis vereor quam momentum istud temporis, quo Judicis irati vultum indues, & ejus in particulari universalique iudicio personam ages. Tunc enim vetò infinites pejus mihi esset quam paganis & gentilibus, qui in te crucifixum non crediderunt, nec tam copiosis divinæ Majestatis tuae gratiis præventi sunt juxta illud energeticum effatum tuum: *Va tibi Corozaim, va tibi Bethsarda, &c.* Tunc enim vetò passio ac mors tua infinites severius contra me perorarent, & follis essent perpetuus avernalem pro me accendens & in decuplum augens ignem. Terror iste ita ossa mea pervadit & renes, ut jurem hic coram sacratissimo sanctissimi Corporis tui tabernaculo te à me nunquam offensum iri. Cum timore & tremore operabor Domine cum tua gratia salutem meam. Evidem ex amore paro tibi servire mentis sum, sed tamen etiam serviam in timore filiali, & exultabo cum tremore. Ps. 21.

Quinta Visitatio.

*Mitigant timorem Iudicis, & conciliant
eternum Patrem.*

Domine JESU, quem pro me passum ac mortuum hic profundissimâ veneratione adoro, in passione ac morte tua condignum erga tremendam divinam justitiam satisfactionem & thesaurum salutis invenio, qui clementiam Iudicis exorat & impetrat, & hic mihi in die iræ træ, calamitatis & miseriæ, tutissimum est refugium. Hæ plagæ manuum tuarum, pedum & lateris mihi figurantur per tres à Moyse in legge scripta designatas urbes, ut essent peccatoribus in asylum. Ad has omni tempore potissimum verò in articulo mortis devotis, quibus annumerari animitus opto, Christi patientis ac morientis cultoribus accessus patet securumque refugium, quando peccata operum, omissionum, affectuum, verborumque illos premunt. Domine JESU tu scis, quod, quoties tua facta vulnera devote veneratus sum, toties ea cum reverentia divinæ justitiæ velut hostiam placationis, & in satisfactionem contracti debiti exhibuerim. Quoties livores & plagas sacri Corporis tui & inde manantem sanguinem piè recolui, toties pœnitentium lavacro per repetitos fidei, spei, caritatis, contritionis ac pœnitentiæ affectus me immerserim, & te agnum Dei tollentem peccata mundi, atque pro transgreditoribus orantem æterno Patri districto peccatorum vindici pro salute animæ meæ obtulerim.

I

Tu

Pars tertia

194

Tu scis, quod toties humiliationem tuam usque ad extremam confusionem & exinanitionem pro meis superbiæ motibus, fervorem & excessum caritatis tuæ pro mea tepiditate & negligentia, mansuetudinem & mirabilem patientiam tuam pro meis iracundiæ, impatientiæ furoribus, tuum liberalissimè usque ad extremam guttam pro me effusum sanguinem, tuam inter flagella, spinas, clavos, ludibria, fannas crucifixionem, & præviā Crucis bajulationem, tuam magnanimitatem, & æterno Patri tuo placendi studium pro meis evagationibus, tepiditatibus, sensuum carnisque voluptatibus obtulerim. Demum tu scis Domine, quod Patri æterno consignârim in vulneribus SS. pedum tuorum omnes meos pios affectus, desideria & intentiones. In vulneribus manuum tuarum omnes actiones amore tui suscepas, & quæcunque demum amore tui exantata, demum in vulnera sacratissimi lateris contritionem, caritatem & conformitatem voluntatis meæ cum divina deposuerim. Cujusmodi actus perfectiores semper ac perfectiores cum gratia tua elicere cupio, & conabor pure amore tui, & quod amore tui vulnerati tam dignati pro me pati in hac illa sensuum ac amoris proprii mortificatione memetipsum crucifigere conatus sum cum tua gratia. Ergo confido in te, quod per te ac devotam passionis ac mortis tuæ veneracionem & cultum benignum & placatum sim habitus Judicem.

Sexta

Sexta Visitatio.

Animant ad virtutes.

Domine JESU, quem hic sub speciebus Eucharisticis latentem devotè adoro, sicut in nativitate tua præsepe, ità revera in morte crux cathedra fuit, ex qua omnes virtutes nos edoces. Cùm vulpes foveas habeant & volucres cœli nidos, tu fili hominis non habuisti, ubi caput spinis acutis & oblongis circumdatum reclinares. Et ego sub capite tam spinoso membrum eligam esse delicatum? absit Domine. Mortificationem capitum & Domini mei jugiter in corpore meo circumferam. Temperantiam me docebit benedicta lingua tua pœnitentiare arescens, & non nisi acero ac felle potata. Castitas & justitia erga proximum mihi cordi erunt. Nam aures meas sepiam spinis benedicti capitum tui, ne quid sine incasti sine proximo meo nocivi intret, & in animum se insinuet. Oculos, ne obtutum figant ad inhonestam, & ad bona aliena surripienda excitant, sanguine ex benedictis oculis tuis affluente obtegam. Carnem, ne impuri exsurgentem motus prædominantur, in honorem flagellati dirissimè corporis tui castigabo non quasi aerem verberans. Manus pedesque, ne ad illicita injustam se extendant aut progrediantur, in honorem sacratissimorum tuorum in manibus ac pedibus tuis vulnerum constringam, ut castus & justus sine suum cuique tribuens maneam. Tu in medio

latronum pendens continuò genuinæ humilitatis exercitium mihi instillabis. Amantissimum cor tuum adeo angustiatum & afflictum, cui me totum immergo, instigabit me jugiter, ut ad te unicum finem sumimum bonum meum faciam ascensiones in corde meo, viva fides in eo magis semper augeatur, spes quatenus desiderium & animi erexitio semper magis confortetur, contritio ferventiores de peccatis præteritis fundat lacrymas, caritas perfecta magis magisque accendatur, & zelus animarum tuo pretiosissimo sanguine redemptarum ita me totum conformiter vocationi meæ intimasque fibras pervadat. Ut nulla difficultas in agendo & pariendo me absterreat, ubi anima m' è Diaboli faucibus eripere, tuisque velut supremi Pastoris humeris ovem perditam imponere potero.

Sepima Visitatio.

*Acunnt desiderium Christo pro me passo ac mortuo
eternum fruendi.*

O Domine JESU adoro te hic in S. Hostia præsentem. Incredibili autem astu desiderio te pro me mortuo & tanta passo in eternum fruendi. Adoro benedictum caput, oculos ac os tuum, & infinitis osculis id in eternum dissuaviare desidero. Adoro sacros pedes tuos, & ubi eos in cælis fixeris, vestigia exoculari, & ad pedes tuos dulcissima verba tua in eternum cum Magdalena audire desidero. Adoro sacras manus & benedictam carnem tuam, teque amplexibus stringere, & à te stringi in

æternum desidero. Adoro sacrum latus tuum,
& per hoc in cor tuum intro hanc nocte, totâ vi-
tâ meâ usque ad mortem in eo morabor, &
tabernaculum pro tota æternitate mihi in eo fa-
ciam,

P R A X I S T E R T I A.

*Septem verba Christi in Cruce & congruentes illis
affectiones ac petitiones.*

In prima Visitatione.

Adoro te mi Deus in V. Sacramento, & quia
hoc instituisti in continuam passionis &
mortis tuae memoriam, ego die hoc lepries te
adoraturus in loco hoc devotâ mente recolam
septem à te in Cruce prolata verba. Dum expri-
mo: *Pater dimitte illis, non enim sciunt quid fa-
ciunt.* Luc. 23. Haurio modò confidentiam &
amorem erga te nec die hoc, nec ullo usque ad
mortem extinguendum. O mi JESU cum clamore
valido & lacrymis merita tua offerens exauditus
es pro tua reverentia ad Hebr. 5. Pater (ini-
tium orationis dulcissimum. Ita & te compello
in lucis hujus exordio) *dimitte* (propositio
amabilissima) *non enim sciunt quid faciunt.*
Ratio dimitendi respectu nostrae infirmitatis &
infinitæ divinæ bonitatis efficacissima. O mi
JESU amo te, confido in te plenè, quia sic pro
me peccatis meis te denuò crucifigente apud Pa-
trem tuum divinamque justitiam perorâsti sæ-

piùs. In gratiarum actionem & sacrificium aliquale matutinum offero tibi perfectam erga inimicos meos caritatem. Intercedo apud te pro iis ex animo, nilque nisi eorum bonum temporale & vel maximè æternum iis exopto, & quantum in me est, procurare studebo, sciens, quām multum boni in me ipsum, imò & commune bonum derivetur ex actibus ejusmodi heroicis. Quomodo enim Ecclesia haberet Paulum? nisi Stephanus lapidatus ab illis, quorum ipse vestimenta custodiebat, & pro illis & pro Paulo tam efficaciter jam moriturus orasset. Et unde tot nationes & feri homines conversi ad agnitionem tui veræque Ecclesiæ pervenissent? nisi hi ipsi SS. Martyres, quos tot suppliciis excruciant, pro iis preces, tormenta perpessa, & sanguinem effusum obtulissent.

In 2da Visitatione.

O Mi JESU tu dixisti latroni in cruce ad te converso: *Amen dico tibi, hodie tecum eris in paradiſo.* Luc. 22. Non est paradiſus in mundo nisi in loco, in quo jam sum, ubi tu Deus & homo latens in Sacramento cum hominibus adeo à te amatis es & eris usque ad consummationem sæculi. In hoc paradiſo, ubi delitiae tuæ esse cum filiis hominum, meæ quoque sunt & erunt in hac misteriarum valle. Sed tu Domine memento mei, & dic animæ meæ, quando à mortali hoc corpore discedet: *Hodie tecum eris in paradiſo.* Hunc in finem cum tua gratia conabor animam meam paradiſum facere refi-

residuo vitæ meæ tempore, in quo tu cum Pater & Spiritu S. per gratiam sanctificantem jugiter habites, & ex quo nunquam per peccatum expellare. Est quoque paradisus anima mea, dum te Deum Eucharisticum sumo in gratia, & eò melior, quò magis ab omni affectu etiam erga veniale peccatum purus sum. Modò te sumo spiritualiter cum viva fide & ardenti desiderio te sub speciebus Eucharisticis sumendi.

In tertia Visitatione.

O Mi JESU quām dolorosa erant verba benedictæ Matri tuæ : *Mulier ecce Filius tuus.* Quod pro te æterni Patris suoque filio acciperet Discipulum tuum & pro Domino servum. Sed quām solatio ac nectare omni plena verba ! quod dein dixeris Discipulo : *Ecce Mater tua.* Joan. 18. Non enim tantum eam dedisti dilecto Joanni, sed & mihi in Matrem. Accepto illam à te modò ante tabernaculum hujus fæderis prostratus. Tali dono dives redeo ad cubiculum occupationes mihi præscriptas. Duco Matrem in domum cordis mei, & jugiter cum tenebrimæ devotionis affectu ad eam dicam :

Quis mihi te rapiet ? nemo. Quis metibi ? nemo.

Filius ergo tibi, tu mihi Mater eris.

In quarta Visitatione.

Adoro te mi Deus recolens amarissimum illud verbum tuum : *Deus, Deus meus, ne quid dereliquisti me ?* Matth. 27. Sic mi JESU

tot laceratus in iuriis, tormentis excarnificatus, post trium horarum in Cruce mortem inter & vitam lucam, dolores intensissimos ob tot peccata hominum, aeternamque tot animarum jacketuram, quas tibi ex infinito erga eas amore despontasti in sanguine tuo, omni post haec solatio a Patre tuo destitutus ejulabas in Cruce clamore valido. Compator tibi intimè mi JESU, & clarè agnosco ne vel umbram esse, quod mihi ex calice passionis tuae propinas. Da obsecro gratiam, ut mensuram a me patiendorum scens esse dispositionem providam ac paternam, tuamque sanctissimam voluntatem, semper omni etiam interno solatio destitutus mentis oculos dirigam ad exemplum, quod mihi in monte (Calvariæ scilicet) monstratum est.

In quinta Visitacione.

O Mi JESU tu, qui es fons vitae, è quo, qui bibit, non sit in aeternum, clamas in Cruce Sizio. Joan. 18. utique effusus omnis è venis & corpore sacer sanguis hanc sitim adferebat. Sed maximè humani generis meamque sitiebas salutem. O quam doleo, quod tibi toties loco vini acetum, hoc est loco fervidae devotionis tepidas preces, loco perfectorum opera mea quotidiana omni ex parte imperfecta obtulerim. Acetum cum gustasses, noluisti bibere sine naufragasti. Quam doleo magis, quod toties tibi amarissimum fel peccatorum meorum obtruserim. O quam saepè meritus sum fel draconum & venenum aspidum insanabile in inferno.

Quid

Quid mihi in via Egypti (mundi hujus) ut bibam aquam turbidam? Jerem. 2. Quæ sive veniat à concupiscentia carnis, sive oculorum, sive superbia vita, nunquam satiat, sed semper inquietat, majorem litim generat, & demum ad perditionem dicit æternam. Sitio animarum salutem: Sicutivit anima mea ad Deum fontem vivum, quando veniam, & apparebo ante faciem Dei. Jer. 2. Ubi te videbo de facie ad faciem mi JEsu, & non in ænigmate, ut modò te sub speciebus Eucharisticis pronus adoro.

In sexta Visitatione.

Adoro te mi Deus recolens sextum verbum tuum in Cruce prolatum: *Consummatum est.* Joan. 18. Nempè omnes prophetias, figuratas, scripturas, voluntatem denique Patris tui plenè impleveras. Nullus reliquus erat in venis crux, nisi qui ex aperto tuo latere cum aqua sive reliquâ in S. Corpore tuo lympha continuâ exiturus erat. Omne in ossibus robur, omnis in arteriis motus, in pulmone spiritus, in corde vita jam cessat, & à planta pedis usque ad verticem capitis non est in te sanitas. O qualis Magister! qualis lectio! qualis cathedra! quale verbum *Consummatum est!* da mihi gratiam JEsu Christe pro me crucifice; ut non cum amatoribus mundi in agone moriens exclamem: consummata sunt omnia in vita hac, omnia perdita, nec superest nisi agnitus, quod in omnibus, quæ te derelicto querit homo, sit vanitatum vanitas. Hæc agnitus superest, & incipit

ante ha misericordia. Sed ut plenus spe ac fiduciā in agone possim dicere, quod id per tuam gratiam consummātim, quod à me Catholicō religioso Sacerdote &c. lex tua sancta exigit.

In septima Visitatione.

AD quietem me compositurus adoro te mihi Deus sub finem diei hujus, & devotā mente pauispet ruminio verba illa tua ultima in Crucē Pater titulo creationis, redemptionis, & tot innumerorum beneficiorum, in manus tuas, quas semper ad me amplexandum in Crucē expansas tenes, commendo spiritum meum. Luc. 22. animam meam unicam (quā nihil pretiosius habeo) toto tempore vitæ meæ, & vel maximè in extremo mortis articulo. Quando Diabolus veniet ut leo rugiens in ira magna sciens, quia modicum tempus est. Fac Domine, ut tunc te Deo & homine sub speciebus Eucharisticis contento, quem specialiter ideo jam sub iisdem adoro, velut securissimo munitus ad iter aeternitatis viatico vexillum Crucis tuæ velut labarum de Diabolo triumphans explicem, & possum tecum dicere: *Venit Princeps hujus mundi, & in me non habet quidquam.*

Pro variatione, quæ sub in devotionem magis acutis Rithmi hi de 7 Christi verbis etiam in libertate visitatione recoli possunt.

Ave JESU, qui mactaris, Sed tortorum deprecaris Patrem culpæ parcere. Promptè fac nos indulgere, Nec vindictam exercere, Corde, verbis, opere.

2. Ave

Solida devotionis exercitia. 20;

1. Ave JESU qui latroni Pœnitenti, summi boni Promisisti gratiam. Tali nos contritione Nunc & mortis in agone Fac merei veniam.
2. Ave JESU qui præsentem Crucis Matrem condolentem Commendas Discipulo. Patri nos tuere curâ, Per te constet mens secura Quovis in periculo.
3. Ave JESU qui dixisti, Pater quid me reliquisti Tantis in suppliciis? Ne nos linquas, ut ruamus, Semper tecum persistamus Fortes in angustiis.
4. Ave JESU qui testaris Sitim, felle sed potaris, Tu qui pascis omnia. Fac æterna nos sitire, Mundi carnis fastidire Fugitiva gaudia.
5. Ave JESU consummasti Iusta Patris, & donasti Tua nobis merita. Benè fac nos inchoare, Sed & plenè consummare Tua beneplacita.
6. Ave JESU qui sermonem Morte claudens & agonem, Patri tradis animam. O mors tua nos emundet, Vitam bonis fac fœcundet, Mortem det tutissimam.

Quando in aliis visitationibus orasti sive mentaliter sive vocaliter jam allata, potes etiam in una recolere septem Christi in Cruce verba simul Oratione sequenti.

Domine JESU Christe Fili Dei vivi, qui in Cruce pendens dixisti: *Pater dimitte illis,*

I 6 non

non enim sciunt, quid faciunt. Fac ut ego amare tui parcam cunctis mihi mala facientibus. Et qui dixisti latroni : *Hodie mecum eris in paradi-
so.* Fac me ita vivere, ut in hora mortis meæ & mihi dicas : *Hodie mecum eris.* Et qui dixisti Matri tuæ : *Mulier ecce Filius tuus.* Deinde Discipulo : *Ecce Mater tua.* Fac ut Matri tuæ me societ amor tuus & vera charitas. Et qui dixisti : *Deus meus, Deus meus, ut quid dereliquisti me.* Fac me cum fiducia dicere in omni tribulatione, tentatione, molestiâ & angustiâ meâ. Pater mi, Domine mi miserere mihi peccatori. Adjuva me Rex meus, Deus meus, qui proprio tuo sanguine redemisti me. Et qui dixisti : *Sitio.* Fac ut semper te sitiam fontem aquæ vivaæ. Et qui dixisti : *Pater in manus tuas commendo spiritum meum,* suscipe me redeuntem ad te. Qui dixisti : *Consummatum est.* Fac ut audire mereatur anima meâ consummatâ vitâ meâ illam dulcissimam vocem tuam : *Veni amica mea, dilecta mea, sponsa mea, veni, ut cum Angelis & Sanctis meis in regno meo epuleris, jucundantis per totam retrò æternitatem.* Amen.

Vice aliâ potes devotè salutare sacro sancta Christi membra, teque tuosque iis commendare.
Oratione sequenti.

O Mi JESU, cum humanitate, divinitate tuâ hic sub speciebus latens te ego pronus adoro, & sacro sanctam passionem tuam devotè recolens singula, in quibus passus es amore mei, membra prostrati veneror.

Salve

Salve tremendum cunctis Potestatis caput
D.N.J.C. pro nobis spinis coronatum, &
arundine percussum. Salve pretiosissima D.N.
J.C. facies, in quam desiderant Angeli pro-
spicere, pro nobis sputis & alapis cæsa. Sal-
vete benignissimi D.N.J.C. oculi pro nobis la-
crymis perfusi. Salve mellifluum os gutturque
suavissimum pro nobis felle & aceto potatum.
Salvete aures nobilissimæ pro nobis contumelias
& opprobriis affectæ. Salve collum humile
pro nobis colaphizatum, dorsumque sanctissi-
mum pro nobis flagellatum. Salvete venera-
biles manus & brachia pro nobis in Cruce ex-
tensa. Salve pectus mitissimum pro nobis in
passione conturbatum. Salve latus gloriosum
pro nobis lanceâ militis perforatum. Salvete
sacra misericordiæ genua pro nobis in orationi-
bus flexa. Salvete pedes adorandi pro nobis
clavis affixi. Salve totum Corpus JESU pro no-
bis in Cruce suspensum, vulneratum, mortuum
& sepultum. Salve sanguis pretiosissime de cor-
pore D.N.J.C. pro nobis effuse. Salve fornax
amoris infinita cor amantissimum mei JESU.
Salve sanctissima D.N.J.C. anima in Cruce pro
nobis in manus Patris commendata. In eadem
commendatione sive ejus unione tibi commen-
do omnibus vitæ meæ minutis animam meam,
cor & corpus, omnes sensus & actus meos, om-
nes consanguineos, amicos, inimicos, omnes
vivos, defunctos, confratres, omnes in angustiis
jam in agone constitutos, omnes Catholicos,
Hæreticos, Gentiles & inveteratos peccatores.

Accurro ad osculum inclinati capit̄is tui, nec
dimittam te, nisi osculum pacis dederis & be-
nedixeris mihi.

PRAXIS QUARTA.

Duo suspiria SS. Ignatii & Aloysii, & affectus er-
ga quinque sacra vulnera præmissa semper
adoratione Christi Eucharistici.

ima Visitatio. Suspirium S. Ignatii.

Suscipe Domine universam libertatem meam,
&c. hoc scitur de memoria. Rithmicè pro
varietate potest orati modo sequenti:

1. O Deus ego amo, Nam prior tu amasti
me. En libertate privo me, Ut spon-
te vincetus sequar te.
2. Nil suggerat memoria Nisi de tua gloria,
Nil intellectus sapiat, Præterquam ut te
capiat.
3. Protestor nihil velle me, Nisi quod sciām
velle te. Quæ dono tuo mea sunt, Hæc
dono meo tua sunt.
4. A te accepi, recipe, Quid iis velis, præcipe,
Guberna sicut scis & vis, Nam scio, quod
amator sis.
5. Amore solo dona me, Ut ego quoque amem
te, Et vigil & per somnia. Hoc dando
dabis omnia.

Pater noster, Ave Maria,

2da Visit. Suspirium S. Aloysii.

1. O Christe pendes arbore Amore vulneratus. Pendes amoris victima, Quid Christe mi rependam? Lates minuto maximus Sub panis in volucro, Mihi que te das ferculum, Quid Christe mi rependam?
2. Me sic amantis gloriae Vitamque sanguinemque Si nullus impendero, Più quantum rependam? Hæc sola post hac vita sit Sudor laborque solus, Amare te pro viribus, Mori que sic amando.
3. Et te Mariam Virginem Cum Filio parentem, Dum spiro, testor sydera, Te diligam Maria. Sed Mater ut clientulum Iustus periclitantem, Per Filii te vulnera Obtestor & ctruorem.

Pater noster. Ave Maria.

3ta Visit. Salutatio vulneris pedis dextri Christi Domini pro impenetranda humilitate.

1. Salve vulnus gratiosum Christi fluens sanguine.
2. Mihi da cor fructuosum Vacans omni crimen.
3. Simplex, humile, zelosum Imo gaudens ordine. Pater noster. Ave Maria.

4ta Visit. Salutatio vulneris sinistri pedis pro impenetranda castitate.

1. Salve stillans pedis vena Hominum solatio.
2. Per te fiat in me plena Carnis castitatio.

3. Casto tibi metis serena Jungat se consortio.
Pater noster. Ave Maria.

*sta Visit. Salutatio vulneris dextra manus pro
imperanda obedientia.*

1. **S**Alve rubens ex cruento JEsu plaga dex-
teræ.

2. Fac tua cum fervore Jussa quæram properè.

3. Getam corde, promain ore, Præstem promptus opere. Pater noster. Ave Maria.

*ta Visit. Salutatio vulneris sinistra manus pro
imperanda mansuetudine.*

1. **S**Alve lævæ vulnus Christi Sanguine pur-
pureum.

2. Fac me quovis casu tristii Mitem ac pacifi-
cium.

3. Cunctis quos tu redemisti Lenem ac bene-
volum. Pater noster. Ave Maria.

*tima Visit. Salutatio vulneris S. cordis pro im-
petranda caritate.*

1. **S**Alve scissum cum tremore JEsu cor dul-
cissimum.

2. Nobis patens ex amore Præsta cordis gau-
dium.

3. Det virtutum cum splendore Caritas incen-
dium. Pater noster. Ave Maria.



P R A X I S Q U I N T A .

*Memoria & cultus amoris septemplicis erga nos
Christi Eucharistici.*

Prima Visitatio.

Christus se unit nobis dando se ipsum in Eucharistia.

O Domine JESU , sicut incomprehensibilis est amor tuus erga nos , quod tua divina Majestas se humanæ naturæ conjunxerit ; ita & incomprehensibilis est , quod sub specie panis & vini te intra me suscipere , & tam ineffabili modo tecum uniri possim. Defleo frigus meum , quod non melius redarem , toties per diem à te ad creaturas evager. Non id faciam hodie , quia dixisti ore tuo sacrosancto : *Qui manducat meam carnem , & bibit meum sanguinem , in me manet & ego in eo.* Ergo sicut lingua mea in stomachum trajectus mihi incorporaris , & unum mecum efficeris , sic manebis. Da gratiam , ut ita semper maneam in vita & in morte , qui vivis & regnas &c.

2da Visitatio.

*Christus confortat nos se ipso velut cibo
ac potu anime.*

O Domine qui dixisti : *Ego sum panis vivus , qui de celo descendii. Si quis manducaverit ex hoc pane , vivet in eternum.* Non quero nisi hunc panem tanquam præstantissimum animæ meæ

meæ cibum , quo confortatus per desertum mundi hujus ambulans perveniam ad montem Dei non jam Horeb ut Elias , sed cælum. Et quia cibus hic divinus *Mors est malis vita bonis*, unde *paris sumptionis utique est diffar exitus*. Cum tua gratia non sumam illum nisi in tua gratia in vita & morte. Et hinc frequenter etiam spiritualiter , vivâ fide, desiderio te fruendi , & corde contrito illum delibo , & modo sumo, qui vivis & regnas &c.

3tia Visitatio.

Christus se ita nobis familiarem exhibendo omnem ad se rapit confidentiam , & vinculo pacis homines in se unit.

O Domine qualis tua benignitas , dulcedo & stupenda familiaritas ! quid est homo, quod ita erga eum apponis cor tuum ? invitans nos, ut veniamus ad te , manducemus te. *Dixerunt viri tabernaculi , quis det te carnibus ejus ?* Et ne terreamur apparitione tremenda Majestatis tuæ , sub speciebus panis & vini horum quoque sapore relicto instar cibi & potûs suaviter in nos influis ; ut eò magis animemur ad te frequenter sumendum cum summa erga te confidentia , & ut in te nos invicem ut æquales in Cœna magna , quam amor tuus infinitus nobis apparavit , convivas amplectamur & amemus. **O** Domine , crescat confidentialis amor erga te , & unio convivarum erga te in te. *Ecclesia tua quæsumus Domine caritatis & pacis dona concede , quæ sub oblatis muneribus [quorum unum ex*

ex multis granis conficitur, aliud in unum ex multis azimis confluit] mysticè designantur.
Per D.N.J.C.

4ta Visitatio.

Christus in Eucharistia multis bonis nos replet.

O Domine, verè non est alia natio tam gran-
dis ac gens Romano-Catholica, qua ha-
beat Deos appropinquantes sibi, sicut tu Deus no-
ster ades illi, eamque cibas pretioso corpore ac
sanguine tuo. Nauseat anima mea super cibo
isto levissimo, quem sub specie fallacis manuæ
mundus præbet. Fel, venenum, mors in olla
est, è qua porrigitur. Detestor perfecto con-
trito corde, quod id unquam degustarim. Ec-
clesia tua sancta docet nullum cibum Eucharisti-
co salubriorem esse, quo purgantur peccata, vir-
tutes augentur, & mens omnium spiritualium cha-
rismatum abundantiam impinguatur. Nec tantum
te dignè sumenti ita benefacis, sed & vivis pro-
ficit & defunctis incruentum hoc Altaris Sacri-
ficium velut salutaris hostia Deo Patri oblata.
Ut omnibus teste S. Ecclesia tua proficit, quod est
pro salute omnium institutum. Omnibus ergo
bonis per te in Eucharistia repleti sumus mi IESU.
Et quid dabimus tibi? sume non dimidium ex
omnibus, ut olim Tobias dicebat Raphaeli, quæ
per te mihi allata sunt. Sume omnia mea, sume
corpus & animam, cor cum omnibus, quæ de-
disti. Hæc tuo servitio dedico. Da ut debitè te
semper redamem, jube quod vis, & da, quod ju-
bes. Benedic animæ meæ, & his NN. Vivis, his
NN. Defunctis.

6ta Visitatio.

Christus instituit Eucharist. Sacramentum tanquam memoriale passionis ac mortis sue respectu nostri & aeterni Patris in bonum nostrum.

Domine JESU, cùm nullum potentius contra peccata & tentationes sit remedium, quām memoria & cultus continuus passionis ac mortis tuæ, nullumque potentius ad Patrem eternum nobis conciliandum Sacrificium quām incruentum illud tuum, quod per manus Sacerdotis offertur, in cuius odoris suavitate sibi maximè complacet. Ego cum Ecclesia in unione omnium meritorum ejus dico: *D*eus qui nobis sub Sacramento mirabili passionis eius memoriam reliquisti, tribue quascumque ita nos corporis & sanguinis tui sacra mysteria venerari, ne redemptionis tuae fructum in nobis jugiter sentiarimus. *Qui vivis & regnas &c.*

6ta Visitatio.

Christus in Sacramento se nobis dat in pignus aeterna glorie.

Domine JESU, postquam sanguine tuo nobis emisti cælum, & morte tuâ invenisti claves regni cælorum, ejus velut arham nobis reliquisti corpus & sanguinem tuum in Eucharistia. Hic das te nobis sub specie panis & vini velatum, in signum, quod in cælo te facie ad faciem perfueremur. Et de hoc eò magis certificamur, quia nos cibando corpore & sanguine

tuo

tuo præservas à peccatis gravibus, venialia minuis, æstum passionum ac temptationum extinguis, & sic ad perseverantiam finalem, quam gloria æterna infallibiliter consequitur, commodissimam sternis viam. *Fac nos quasumus Domine, ita denuò cum Ecclesia rogo, divinitatis tuae sempiternâ fruitione repleri, quam preciosi corporis & sanguinis tui temporalis perceptio praefigurat. Qui vivis & regnas &c.*

7tima Visitatio.

Ubi hac omnia consequi possimus, innumeris Sacerdotibus dedit Christus consecrandi potestatem, & semper presens manet in Sacramento Eucharistie.

Quo te induxit bone JESU amor tuus erga hominem? accepisti in incarnatione formam servi, ut eum redimeres. In Eucharistia latet sub velo inanimatarum creaturarum, quæ ne quidem substantiæ alicujus sed accidentium nomine veniant. In vita amore nostri subditus fuisti Mariæ & Josepho, modò in cælis regnans Rex Regum & Dominus Dominantium obedis voci hominis, & prolatis consecrationis à Sacerdote legitime ordinato verbis testis sub speciebus panis & vini. Et ut facilius omnia à te supra enumerata bona consequi possimus, innumeris in toto terrarum orbe Sacerdotibus (etiam, si prô dolor mali sint, quod sanè stupendum est) potestatem quasi & imperium super te tribuis. Nec hoc tantum in ordine ad illum

lum finem, ut sacro tuo corpore & sanguine,
humanitate ac divinitate tuâ saginari possit ho-
mo quivis. Sed ut etiam, quando non com-
municat, refugere semper ad te, auxilium ac
solatium petere, varia beneficia impetrare, om-
nigenamque à te benedictionem accipere possit.
Hunc in finem in ligneo sinis te includi taber-
naculo, per manus Sacerdotis circumferri in
Monstrantia aut Ciborio per templum, imò &
plateas & loca varia, ut undique & ubique per
te bona innumerâ consequi valeamus; & sic
cum hominibus manebis usque ad consumma-
tionem sæculi. O verè excessus amoris infiniti,
unius supra alium! laudent te unâ mecum ex
nunc usque in sempiternum Angeli, Sancti, crea-
turæ omnes. Et quoniam dies præteriit & ad-
vesperascit; non dimittam te, nisi spiritualiter à
me sumptus benedixeris mihi mi Domine, ut
multiplices sanctissimi Sacramenti effectus,
quoties te sumo, in vita & morte plenè conse-
quar.

Hæ quinque Praxes serviunt & in visitatione
sanctissimi, & alias ad unum ex præcipuis soli-
dæ devotionis suprà enumeratis exercitiis, au-
gendum scilicet semper ac inflammandum amo-
rem erga Christum Redemptorem tuum. Quo
nil præter amorem & cultum debitum erga
Deum Trinum & unum tibi salubritius magisque
necessarium esse potest. Si tibi præplaceant Pra-
xes aliæ in eundem finem melius judicio tuo ser-
vientes, iis utere. Tantùm eò unicè collima,
ut in amore & devotione tenerâ erga JEsum pro-
te

te incarnatum, natum, vitam agentem privatum & Apostolicam, pro te passum, mortuum, in cælos ascendentem, & sub speciebus Eucharisticis in terra ad finem mundi continuò præsentem semper crescas ad mortem usque, & sic salvus eris.

P R A X I S S E X T A.

Petendi pro se & diversis Societatis nostra membris virtutes varias per merita Sanctorum nostrorum.

Quidam Romæ, cùm ad aras Sanctorum nostrorum sæpiùs celebrasset, sensit internum quendam instinctum ad easdem aras apud Deum Eucharisticum supplicandi in septemplici visitatione Chori pro se, variasque virtutes pro diversis Societatis membris per merita Sanctorum nostrorum exorandi modo sequente.

Prima Visitatio.

Domine JESU Christe, per merita & sacras S. P. N. Ignatii exuvias, per quas mortalibus cuiuscunque ætatis, conditionis ac status tot beneficia contulisti, rogo te, ut mihi des, in me conserves, & jugiter augeas usque ad ultimum vite meæ momentum æstimationem sublimis vocationis meæ. Et ut Societatis Præposito Generali, Provinciarum & Domum per quatuor orbis partes Præsidibus, des gratiam sibi subjectos fortiter & suaviter institutoque nostro conformiter gubernandi. Pater noster.

Secun-

Secunda Visitatio.

Domine JESU , per brachium illud Thau-
maturgum *S. Francisci Xaverii Indianorum
Apostoli* , quod devotè veneror tuam in eo ag-
noscens omnipotentiam , per merita Sancti hu-
jus , per quem innumeras gentes cum Regibus
ac Principibus suis Ecclesiæ tuæ sanctæ adjecisti .
Rogo te , ut mihi des verum zelum animarum
secundum scientiam & conformitatem instituti
ac vocationis meæ . Da ut clarius semper agno-
scam , quantum sit pretium animæ infimi ho-
muncionis pretioso tuo sanguine redemptæ .
Da idem omnibus per totum quæ latè patet
mundum dispersis Societatis nostræ Missionariis .
Protege eos , Hæreticos inter Gentiles ac Pa-
ganos , & truces Barbaros constitutos , ut in
medio nationis pravæ semper ambulent in via
recta , sylvestres illas feras in agnos commutent ,
& ad pascua æterna perducant .

Pater noster .

Tertia Visitatio.

Domine JESU per merita magni Sancti tui
Francisci Borgia Gandia Ducis , quem tam
mirabiliter ad Societatis sub initium augmen-
tum & splendorem à terreno principatu evo-
casti . Rogo te , da mihi veram humilitatem
instituto conformem , quæ me Sancti hujus
vestigiis inhærente faciat ; sive cum Magnatibus
sive cum vili mendicabulo converser , sive ho-
norer sive contemnar . Ità honorem eos , quos
hono-

honorare debo, ut nil respectus humani aut assentaciunculae adhaerescat. Talis sim in plausu aliquo, ut nil vanæ gloriolæ se immisceat oculo semper mentis in honorifico etiam officio, in cælum Deique gloriam defixo; quia non volo pingere temporis sed æternitati. Et quia Sanctus hic primam Societati nostræ erexit Academiam Gandiæ, Doctoribus & Professoribus nostris eundem humilitatis spiritum instilla, quem ille ostendit. Dum, ut cætera miranda humilitatis ejus genuinæ ac solidæ exempla præream, in noviter à se erectâ Academiâ Gandiæ de nihileitate sui primas Theses publicè proposuit, & eundem semper spiritum ad ultimum vitæ suæ momentum conservavit.

Pater noster.

Quarta Visitatio.

Domine JESU, per merita S. Joannis Francisci Regis da mihi gratiam, ut ad ejus exemplum verum agam Societatis operarium, cum fructu sanctum tuum Evangelium è cathedra explicem, pueris & rudibus catechizem, pauperibus moribundis in hospitalibus & alibi afflitis, incarceratis, ad ferale supplicium condemnatis omnibusque peccatoribus in sacro maximum tribunali feliciter assistam, & mulierculas cœno impuritatis immersas convertam, in peticulo pudicitiae amittendæ constitutas è Dæmonum faucibus eripiam. Da eandem gratiam omnibus Societatis nostræ concionatoribus & operariis. Ut in his omnibus nil querant nisi

K

ma-

majorem tuam gloriam & animarum salutem; sicque omnia impleant, quæ in Bulla confirmatae Societatis Pauli & Julii tertii recensentur, & ratione eorum repeti semper in veritate possit Pontificium illud oraculum. *Digitus Dei est hic.*
Pater noster.

Quinta Visitatio.

Domine JESU, per merita amabilissimi Angelici juvenis *S. Aloysii Gonzage*, quem studiosæ juventuti Patronum dedisti, & tam miris continuisque illustras miraculis, te rogo. Da mihi veram Angelicam puritatem, & solidam semper secundum instituti mei leges in scientiis vocationi meæ conformibus occupationem. Hæc eadem da omnibus Societatis nostræ Scholasticis, ut casti ac probi se solidè in spectantibus ad vocationem suam occupent, otium, conversationes periculosa sensuales, inordinatasque affectiones tanquam pestem devitent, passionesque & motus animi præcipites in juventute sua edomare discant. Ut suo tempore in castris tuis, quò propè Jerosolymam, ut *S. P. N.* in meditatione de duobus vexillis explicat, commilitones tuos evocas, dignè militare, & castra tenebrarum propè Babylonem subvertere possint. Da etiam studiosæ juventuti, quam maximâ ex parte Societatis nostræ Scholasticis ac Professoribus in orbe Catholico concredidisti, donum castitatis, ut à luxurie vitio maximo juventutis hoste liberati per nostrorum instructiones monita & bona exempla

in bono confortati ad eum statum perveniant,
in quo prævidisti eos fore æternū salvos.

Pater noster.

Sexta Visitatio.

Domine JESU, per merita benedicti, immaculati & dulcissimi Juvenis S. Stanislai Kost-
ke, quem tam miris viis ad Novitiatum Roma-
num adduxisti, per quem in Polonia & alibi tot
mira patrasti; da, ut jugiter ardeat cor meum
amore tui & benedictæ Matri tuæ immaculatæ
conceptæ Virginis. Benedictus hic juvenis sum-
mo exultantis animi motu eam vocabat Matrem
suam, & ardens amore hoc sacro pectus non se-
mel madefacto ad fontem lintero refrigerare de-
buit. Communica mihi scintillam hujus ig-
neæ caritatis. Et quia signum distinctivum ge-
nuinæ ad Societatem vocationis, beatæque in
illa perseverantæ est constans ac tener affectus
erga Mysterium Immaculatæ Conceptionis B.M.
V. largire obsecro signum hoc omnibus Socie-
tatis nostræ novitiis, quos tibi per sanctum No-
vitium Stanislaum singulariter commendo. Ca-
piant hi dilecti solida asceseos virtutumque vo-
cationi suæ convenientium fundamenta, nec
à primævo fervore discedant. Et quia suo tem-
pore multis fors exponentur periculis, nunquam
sua spiritualia mortificationesque consuetas
omittant, nec in cogitationibus suis evanescant,
comprehendant benè æternas veritates. Et quod
perfectio illorum potissimum consistat in sui ip-
sus victoria, amoris proprii, propriaeque vo-

luntatis & judicij abdicatione. Ne fundamen-
to hoc neglecto fiant aliquando in devorationem
bestiarum agri, & mundi hujus pravi, sanctæque
doctrinæ tuæ contrariis inficiantur principiis.

Pater noster.

Septima Visitatio.

Domine JESU, per merita nostrorum san-
ctorum trium Martyrum Japonum *Pauli,*
Joannis & Jacobi, & tam innumerabilium alio-
rum, qui è Societate nostra sanguinem suum in
testimonium veræ fidei cum tanto gaudio & ala-
critate profuderunt, tamque horrenda tor-
menta passi sunt ab Hæreticis & Gentilibus. Da
mihi patientiam in adversis, fortitudinem in
crucibus à tua providentia mihi immisis, ut
cum magno merito eas portem. Da desiderium
vivax ac constans pro & in te & S. fide tuâ mo-
riendi, & te Deum meum pro me crucifixum
cum firma spe & fiducia in ultimo anhelitu am-
plexandi. Da idem omnibus & singulis tuo ser-
vitio in Societate nostra addictis. Et quia S. P.
N. in constitut. suis multum per hoc animat Fra-
tres coadjutores nostros temporales, ceterosque Sacerdotes vi officii sibi à Superioribus
demandati temporalia curantes. Quod ex me-
ritis illorum, quibus illi circa victimum vestitum
&c. de necessariis provident, pro tua gloria ac
fide decertantium multa participaturi sint. Su-
me illos omnes sub speciali protectione tua, at-
terisque coronas ob labores ac sudores, quos ad
alendos confratres suos exantlant, accumula-

Bene-

Benedic etiam temporaliter eorum curis ac in industriis, quibus debet plurimum Societas nostra. Quæ si non habeat, unde tot pro gloria tua laborantes sustentet, multum impeditur in sacris ministeriis ac functionibus suis.

Demum per merita sanctorum omnium Martyrum & Confessorum totius Ecclesiæ & Societatis nostræ minimæ, rogo te mi JESU per sacra quinque vulnera tua, ut in cohorte, cui à sancto nomine tuo nomenclaturam dedisti, idque pro armis gentilitiis assignasti, hæc quinque semper inconcussa atque inviolata permaneant. 1. Primævus disciplinæ & obedientiæ vigor. 2. Constans per orationem cum Deo Trino & uno conjunctio, animique ac corporis puritas. 3. Primæva tot inter nationes hominesque diversæ educationis ac indolis caritas. 4. Occupatio solida continua in iis, quæ vocatio & officium exigit, desidiaeque omnis eliminatio. 5. Magnanimitas in adversis, zelusque animarum indefessus. Ut semper sint & maneat, sicut adiuc in copia per tuam gratiam sunt, Volones plurimi adeo, ut, dum uno opus est, decem se ultrò offerant, qui Missiones Indicas aliasque difficillimas inter gentes immunitate barbaras expetant, & inter mille mortis, ad quam indies parati sunt, pericula obeant. Licet non tantum à fidei hostibus & æmulis, sed & ab iis, à quibus maximè protegi deberent, persecutions patiantur. Nec aliud super sit solatum, quām quod pro cælo & Deo laborent. Ecce sex praxes, in quibus pro varietate sex per

hebdomadē dicibus in septemplici visitatione
sanctissimi te ita exerce, ut simul semper videoas
& examines, quae virtutes tibi desint, quarum
vocationi tuæ conformiter actus elicere, & in
quibus ipso facto eminere debeas. Quod si jam
etiam delectet te praxis aliqua, semper eadem,
in qua te in septemplici per diem adoratione
Christi Eucharistici exerceas, quæque præcipua
solidæ devotionis exercitia complectatur. En
pro die v. g. Sabbathino sequentem.

P R A X I S S E P T I M A.

*Cuivis cuiuscunque demum vocationis accommo-
data, que septem puncta & pro qualibet vi-
sitatione semper eadem complectitur.*

1^{mo.} **A**dora sanctissimam & individuam Tri-
nitatem, & fervens desiderium ejus
utpote ultimi finis tui perfruendi elice. Age
gratias Deo Patri, quod ita dilexerit mundum,
ut pro eo redimendo filium suum unigenitum
dederit. Deo Filio, quod ipse amore nostri
tanta facere ac pati dignatus sit, seque ipsum no-
bis in cibum ac potum sub speciebus panis ac vi-
ni dederit, & in SS. Sacramento cum homi-
minibus mansurus sit usque ad consummatio-
nem saeculi. Deo Spiritui S. quod ipse corpus
Iesu in utero Virginis formaverit, gratia lan-
tificante septemque donis suis nos impleat,
& postulet pro nobis gemitibus inenarrabili-
bus.

2dō.

2dō. Elice ferventes actus fidei, spei, caritatis, contritionis, desiderium dignè sumendi sacram hostiam, & sic communica spiritualiter.

3tō. Gratulare B. Virgini Deiparæ de mysterio Immaculatæ Conceptionis suæ, dic septies *Ave Maria* in honorem septem ejus gaudiorum ac dolorum, teque ei in prosperis, adversis, sanitate, ægritudine, vitâ & morte commenda.

4tō. Recita orationem Dominicam in honorem Angeli Custodis tui, & SS. Patronorum singulariter à te cultorum, agendo illis gratias pro his, illis beneficiis, & ulterius te in vita ac morte iis commendando.

5tō. Recita devotè Psalmum *De profundis* pro animabus in purgatorio v. g. quibus magis obstrictus es, quæ singularem habuere devotionem erga mysterium Immaculatæ Conceptionis B. M. V. quæ ab aliis sunt derelictæ & magis indigent, vel unquam tibi voluerunt malè, vel gloriam Dei extrinsecam magis aucturæ sunt. Hæc petes ex puro erga Deum amore, & commendabis etiam animas puerorum, qui in periculo sunt, ne ante baptismum acceptum moriantur.

6tō. Deo commenda consanguineos, amicos, benefactores & hostes tuos, obstinatos peccatores, Hæreticos, Paganos, Gentiles, item omnes Superiores tuos sive sacros sive profanos aut sæculares.

7timō. Pete pro te tuisque conservationem gratiæ sanctificantis & felicem mortem. Vide Praxin aliam cap. 7. §. 2. septies adorandi

CAPUT SEXTUM.

*De Cultu-tatris Dei Trini & unius, Hyperdulia
B. M. V. Deipara, Dulia Angelorum ac Sancto-
rum. Item de pietate ac benevolentia anima-
bus in purgatorio detentis, dein de variis per
opera misericordia sive corporalia sive
spiritualia praestandis.*

§. imus.

*Orationes & affectus erga Deum Trinum & Unum
certis per hebdomadem ac mensem temporibus eli-
ciendi. In quibus ob durius evadendum purgato-
rium, animam magis magisque purificandam, &
ad ultimum finem suum dispensendam te debes
frequenter cum magno fervore & sin-
gulari devotionis gustu exercere.*

Oratio ad SS. Trinitatem.

Credo in te, spero in te, amo te SS. Trini-
tas unus Deus, incomprehensibilis cogita-
tu, veritas, fidelitas, pulchritudo, sapientia,
bonitas infinita. Offero tibi pro libello sup-
plici omnia merita IESU, MARIAE, omnium Electo-
rum, & rogo, ut tuis beneficiis benè semper
utar. Quidquid boni de te scriptum habent
Bibliothecæ omnes. Quidquid boni de te dixit
vel